

〔清〕赵烈文撰

能静居日记
三



[清]赵烈文撰 廖承良标点整理

能静居日记

同治八年正月—光绪三年十二月

三

岳麓书社·长沙

图书在版编目(CIP)数据

能静居日记/(清)赵烈文撰. —长沙:岳麓书社,2013.7

ISBN 978-7-5538-0002-8

I. 能... II. ①赵... III. ①赵烈文(1832~1894)

—日记 IV. K827=52

中国版本图书馆 CIP 数据核字(2012)第 264503 号

NENGJINGJU RIJI

能静居日记(全四册)

作者:[清]赵烈文

标点整理:廖承良

责任编辑:刘文(canghai5000@163.com)

责任校对:舒舍

特邀审稿:王杰成

装帧设计:胡颖

岳麓书社出版发行

地址:湖南省长沙市爱民路47号

电话:0731—88885616(邮购)

邮编:410006

网址:www.yueluhistory.com

2013年7月第1版第1次印刷

开本:960×640 1/16

印张:151.75

字数:2016千字

印数:1—2,500

ISBN 978-7-5538-0002-8/K·347

定价:450.00元

承印:长沙超峰印刷有限公司

如有印装质量问题,请与本社印务部联系

电话:0731—88884129

目 录

弁言	1
咸丰八年	3
咸丰九年	43
咸丰十年	102
咸丰十一年 ^①	259
同治元年	462
同治二年	617
同治三年	725
同治四年	853
同治五年	960
同治六年	1021
同治七年	1141
同治八年	1233
同治九年	1308
同治十年	1387
同治十一年	1470
同治十二年	1532
同治十三年	1587
光绪元年	1639
光绪二年	1733

① 正文作“咸丰十有一载”，目录及相应书眉以简明计，改为“咸丰十一年”，后面照此处理，不另注。

光绪三年	1787
光绪四年	1845
光绪五年	1906
光绪六年	1954
光绪七年	2006
光绪八年	2057
光绪九年	2112
光绪十年	2157
光绪十一年	2209
光绪十二年	2248
光绪十三年	2293
光绪十四年	2339
光绪十五年	2379

同治八年太岁己巳，余年三十有八。

正月丙寅

元日癸酉。平明微有日色，辰刻雨，东南风。

黎明同眷属拜天、拜先师、拜佛及灶神，祀先祖父母如往年。

卜课得泰至震。

世爻休囚，幸年日生扶，虽春令未佳，统一年观之，自为吉卦。寅木官星化官，岁君所相，动爻化出文书，巳火亦为文书，均作本卦原神，仕途得遇之象。财爻不旺而落空，劫财持世，求财颇艰，酉金福德在应，所往平。盖总评全课，夏秋为吉。

《易林》贞卦辞曰：有求陈国，留连东域。须我王孙，四月来复。主君有德，蒙恩受福。

之卦辞曰：南国少子，才略美好。求我长女，贱薄不与。反得丑恶，后乃大悔。

初二日甲戌。晨雨，辰刻晴霁。

甥侄群来称祝，避之楼上。延兄姊至楼清话。

初三日乙亥。晴。

同兄率子侄登辛峰眺望，茗于山椒神祠。亭午归，落影象。

初四日丙子。晴。

冯式之来贺年。出候诸人贺年，惟晤吴珀卿。订长庚侄今岁

子心玉
亥

外、亥
空

女无义 丑得
原神

财、子
空

官、寅
空

财、子

从学。又在赵次侯处少坐，午后归。视石工叠石于院墙前及砌池岸。

初五日丁丑。晴。

视石工叠石，移绿梅一本于石台，植紫荆于龙爪槐之下。晡间杨咏春来候，久谭。

初六日戊寅。晴。

顾竹城大令招饮，不赴。视叠石成，治具觞邓季宇及为阿哥洗尘、孟甥饯行，孟甥欲暂迁苏垣也。夜与四姊及南阳君坐池上新设石磴，观钩月，清谭甚久。姊即从甥俱去，颇为怆然。

初七日己卯。阴，大风，微雨。

到四姊处，同至池上凝望。午刻同兄赴赵次侯招，座客甚众，下午返。写紫兄信，即发信船。眉生信。附紫。

接宪兄七年十二月二十八日信。又李甥七年十二月二十六日信，已举一子，李氏宗祧不坠，为之狂喜。

初八日庚辰。晴。

与姊氏话别竟日。

初九日辛巳。晴。

黎明赴送姊氏登舟。课园丁插柳池东。写眉生信。即发交来足。六姊、槐亭信，即发交紫卿。紫兄信。即发信船。

接眉生初七日信，又开生信。

初十日壬午。晴。

杨滨石太常来候久谭。屈近村学博本地人来候。写喻颢训总戎信，为李甥馆也。十二发交李。沈羲民招饮，不赴。彭季陶来候久谭。

十一日癸未。晴。

季雨赴沪津，凌晨即行。彭季陶来久谭，答候彭季陶，同登虞山，茗于山椒神祠。赴季君梅招饮，同坐咏春、升兰、张雨生、钱仲谦及余兄弟，饮甚乐。下午散归。写李甥信。交宪。戴子高、

庄中白信。交宪。邓伯紫、季垂、熙之信。交宪。子宪兄信，寄还吴墨庵篆文一本。即发信局。写眉生信，即发交来足。紫兄〔信〕。同发。

接紫兄初十信。又宪兄七年十二月十六日信。又眉生初十日信。又子高七年十二月十二日信。又仲白七年十二月某日信。

十二日甲申。晴。

遣邀彭季陶至，阿哥欲游虞山，邀与偕也。镜如七侄来候，亦同行。已刻舆行，仍从兴福三峰以至拂水，携榼坐磐石上，茗话良久，日衔山后归。遂觞季陶及镜如侄，并饯阿哥。是日丁听彝、永龄自常来候，不值。顾竹城招饮，不赴。

接董椒侄七年十二月初四日信。又才叔初七日信。

十三日乙酉。晴。

十四日丙戌。晴。

张雨生来谭。接六姊十一日信。

十五日丁亥。晴。

夜同阿哥对月池上良久，阿哥归卧。复邀南阳君及两女柔庄、李姬玩月烹茗，三鼓始入寝。

接史华楼七年十二月信。

十六日戊子。阴。

阿哥将以今日赴苏，即由上海趁轮舟抵鄂，余拟偕行至苏。下午下舟即行，与阿哥舟中谭甚乐。三鼓过洪塔，四鼓尽泊蠡口。

十七日己丑。辰有飘风飞雪，自西南过东北，俄顷即霁，终日晴。

黎明行，辰至齐门，巳至葑门，襆被到九兄家。与阿哥至故尚书使院，观瑞云峰，赏对移时。下午阿哥出谒客，余入晤九兄卧室，云恙未瘳。少选，眉、史至，时亦榻此也。孟甥亦来。夜眉觞余兄弟并汪苇塘，见眉所购九成宫及挥画，皆精品也。写家信。即发交原船。

接宪兄初十日信，抄寄涤师奏对日记，天语甚落落。师腊月

十三抵京，十四入觐，十五赏朝马，克合再入谢恩，十六复召见，将正月中出都。

十八日庚寅。晴。

同阿哥到观前茗，谭良久，阿哥归。余至四姊处，相见喜怅交集，长谭至下午归，孟甥送余半途。夜同阿哥、眉叟及眉之甥吴寿之扬州人赴九兄招饮。出，眉复来谭。写家信，即发信船。何廉昉信，才叔信，十九发交眉专足。吴竹庄信。二十一发交勒少仲。四鼓卧。

接宪兄初六日信。

十九日辛卯。晴，夜雨。

同阿哥候族兄子卿、配堂、靴之、裳华，惟晤裳华。又候汪苇塘，并答候彭季陶，不晤。又到伯厚嫂处，晤仲颖、叔桓二侄。归与眉叟终日谭。潘玉泉、马锐卿来候。李眉生招廿一饮。夜，阿哥拜客甫归，同在九兄内室少谭。写宗湘文信。即发交眉。闻陕贼由草地趋归绥东犯，调神机营往援。又闻眉生言，曾侯北行枢地，私意不过为文〔某〕欲得福州将军地，而瑛〔某〕又六、七两王私人，故调马新贻两江，而瑛实授闽浙。改易量吏视由弈棋。昨召对恩礼疏简，大逊陇西，朝士私论见于书函者亦多吹索。甚矣！钱神之力参两间、侔造化，至此极矣。

二十日壬辰。阴雨。

吴清卿大澂，本地人。庶常来候。张廉卿来候久谭，方游武林归也。下午，候丁雨生中丞，坚邀晚饭，辞不获命。候黎莼斋少谭。候李眉生，辞其招。候高碧湄大令湖口人，丙辰识之李次青处。久谭。复赴雨生中丞招，同登后园高阁，观演武，时中丞新以抚标兵用洋法教练，步伐、口号悉遵效之。闻欲减额增粮，尚未奏定。傍晚入座，张廉卿、冯铁华、寒驹，粤人，浙官。潘新田、东山人。冯卓如、焯光，粤人，机器局。黎莼斋及余共七人。饮次，言官员人多，舍考试一法，莫知优劣，艺拙者姑使归原籍，须人时再调。冯铁华言遣归近于废弃，似可不必，不如且令学习。继问潘星田东山房价廉否，余欲卜居。潘云山中无田，乡人皆业果树。曰种果树亦

是好行业，但余仇书差太甚，使退居得无鱼肉余邪。客皆笑莫对。又问他客鱼虾蔬菜价值事甚悉。初鼓饮散归。

接十九日家信。

二十一日癸巳。雨。

晨起，分检行李，送阿哥登舟赴鄂，孟甥、吉侄亦至舟，相聚未一月，复为旷别，黯然不已。候黄桐轩，其居已迁。候马子逊、锐卿，均不遇。候俞荫甫久谭。候吴平斋、广庵，不遇。候勒少仲久谭。候恽次山久谭，留食。候潘玉泉不晤。候莫子偲，答候张廉卿，并晤吴清卿久谭。到四姊处，即移装来下榻。吴清卿、广庵招饮，不赴。

接六姊十三日信，又槐亭十八日信。

二十二日甲午。阴雨，大风寒。

答候吴清卿不晤。候李伯孟少谭。候王朴臣、金静知，不晤。候李质堂军门久谭。答候潘宇逵少谭。候张纯卿不晤。候李眉生不晤。候管洵美不晤。返寓。张纯卿、王朴臣来答候，各少谭。吴广庵来答候不晤。写曾劼刚信，二十三发交李质堂。张杞堂信，二十三发信局。莫善徵信。二十三发附张。此函未达。子宪兄信，二十三发马封。槐亭、六姊信，二十三发信局。般仲信。二十三发马封。莫子偲来久谭。

接二十日家信。

二十三日乙未。阴。

黎晨，访莫子偲、张廉卿、王朴臣久谭，并识彭复斋。返寓。朝食后复到护龙街一走，得古磁盘盎数种。返寓，复赴李伯孟招于程公祠，同坐蒋杏生、张佑之、孟甥。下午归。管洵美、彭复斋毕来答候。

二十四日丙申。晴。

恽次山、俞荫甫来答候，不晤。陆子授传应按察来候不值。李眉生招饮，不赴。下午下舟，答候陆子授久谭。夜泊齐门。

二十五日丁酉。晴。

早发，未刻抵家。是日遣儿子实入郡中应书院试。

二十六日戊戌。雨。

二十七日己亥。雨。

写四姊信，寄金钏一。即发信船。九兄信。同上。

二十八日庚子。晴。

课行客垦东皋，拟植梅百株。

二十九日辛丑。晴。

三十日壬寅。晴，夜雨。

接邓寄雨某日信，又龚孝拱二十日信。

二月丁卯

朔日癸卯。阴。

寄实儿信，即发信船。恽次山信，寄地图一部。李质堂信。同发。

接阿哥正月二十八日信，是日上舟赴鄂。又实儿正月三十日来禀。又长生正月十七日信。又孟甥正月二十九日信。又恽俟孙正月二十四日信。

初二日甲辰。晴。

初三日乙巳。阴。

接子宪兄正月十九、二十四日信。

初四日丙午。阴。

初五日丁未。阴。

写孟舆信，即发信船。阿哥信。交孟。

接实儿初四来信。

初六日戊申。雨。

接马督札，已于正月十八日奉上谕调赴直隶，以直隶州同知补用。

初七日己酉。雨。

写眉生信，即发交来足。孝拱信，即发交眉。紫兄信。即发交眉足。

接阿哥正月二十四日信，图章一方。又紫兄初六日信。又眉生初三日、某日、二十三信。

初八日庚戌。阴。

春分合祀先祖。

初九日辛亥。雨。

实儿归自苏垣。招吴珀卿、张雨生、冯式之饮。

接六姊正月二十四信。又九兄正月二十四信。又眉生正月二十二信。

1239

初十日壬子。阴。

张少渠豫立来候。写长生信，即发信船。又孟舆信。同上。

十一日癸丑。晴。

候杨咏春、赵少琴、李升兰，均不晤。即送实儿、栗侄赴馆，下午归。

十二日甲寅。阴雨。

十三日乙卯。雨，大风。

写槐亭、六姊信，已定三月十六日遣实儿入赘，故作函告知。

即发交孟甥。孟甥信。即发信船。

接紫兄初九日信。又孟甥十一日信。又邓熙之初四日信。

十四日丙辰。晴，顺风。

早起，买舟赴吴门，为实儿具聘币及吉日衣冠。辰刻舟行，午过洪塔，酉抵葑门。登陆与九兄畅谭，二更下船。

十五日丁巳。晴。

辰刻登陆，同吉如五侄至金昌市中购物，九兄有钱店管计陆少浦，为评鹭物价奔走一日，聘币船具费已不赀矣。傍晚到四姊处，舟先移泊其门，与孟甥久谭。写家信，寄归缎彩一箱。即发

信船。

见滌师奏调折考语云：随臣营多年，素讲爱民之道。熟于史学，庶以儒术润泽吏治。云云。

接十四日家信。又六姊初八信。又长生初十日信。

十六日戊午。晴。

写家信，即发信船。阿哥信，即发信局。长生信，即发信船。六姊信，即发信局。登岸到孟甥处少坐。入市中觅紫兄店友夏纯山同购物。下午返孟甥处饭，饭后访莫子偲久谭，又晤王朴臣久谭返舟。

接十五日家信。又阿哥初八日信。又朱棻卿初十日信。

十七日己未。晴。

写般仲信。即发马封。上岸到四姊处少谭。王朴臣来访。复入市购物。访次山中丞少谭，访李眉生不值。到紫兄处饭后访金眉生，渠自沪至，来相约也，久谭，并识长云衢。康。返紫兄处久谭。汪苇塘来答候少谭。眉生来，孟甥亦来，谭至二鼓，同饭紫兄处，乃返舟。

接十二日家信。

十八日庚申。晴。

到眉生舟中久谭，上岸候张佑之景万少谭。候吴清卿、仪卿、潘玉泉不值。到四姊处少谭。候张有山方伯兆栋，山东人。久谭。候张少渠、黄桐轩不晤。候丁雨生少谭。送行，时欲陞见。候金鹭卿、吴广庵不晤。返九兄处，写家信。即发信局。候汪苇塘久谭。复返九兄处，眉生亦至，谭至二鼓分手下舟。张有山、金鹭卿来答候，不值。

接十七日家信。

十九日辛酉。乍晴乍雨。

移舟元妙观前登岸，茗于观中。招陆少浦来同茗，又同购物市中。傍晚到四姊处。写眉生信。即送。黄桐轩来候不值，写桐轩信。即发交孟。

接十八日阮钰来禀。又阿哥初二、初四日信。又紫兄即日信。

又眉生即日信。又何廉昉信。

二十日壬戌。阴，大风。

移舟葑门，访眉生未起，晤何梅阁、石似梅诸人。少刻，与眉畅谭，眉初约下月过余话别，渠忽计楚行，遂此分袂，不禁惘然。眉赋性高朗，胸无私曲，以此大不理于人口，而余最佩其性情，以为于道最近。所病好与人角胜负，又意气凌蔑，余谓此二者不独处世足以害身，且纵性任情实于学道大有所损，愿自后以礼让自范。眉再三首肯。至紫兄处少谭，复赴眉叟之钱，同会金鹭卿，亦湘乡奏调者，又汪苇塘。下午散，即解维旋虞，泊齐门。

二十一日癸亥。晴，顺风。

早过洪塔，由僻路马泾、新庄、英城等处行，高柳夹河，夭桃时发，水村相望，鸡犬安闲，真乐土也。午过尚湖，虞山如浸水中，倒影浮动，反恨到家之速。错午登岸，家中缝人治实儿聘妇衣，喧阗满室，可厌之至，吾贫人有此富态，尤可笑也。

写孟甥信，寄《七纬》十本，即发信。陆少浦信，即发信船。长生信。即发信船。

接子宪兄初九日信。又龚孝拱十二日信。又邓季雨初七日信。

二十二日甲子。晴。

池上玉兰盛开，春气温秣，天正作蛋青色，与家人临观池上。

二十三日乙丑。薄阴。

写阿哥信，即发交汪少堂。汪少堂信，即发信局。龚孝拱信，即发信局。紫兄信。即发信船。孟甥信，寄去饬知等。即发信船。史花楼信。即发交来足。

接阿哥十四日信。又史华楼某日信。

二十四日丙寅。晴。

接长生二十一日信。

二十五日丁卯。晴。

写吉如侄信，即发交孟甥。写眉生信，即发交吉如。写万箴轩信，即

发交眉生。吴晓帆信。即发同上。写孟甥信，即发交信船。写幼静信，即发交元师。元徵师信。即发马封。

接吉如侄某日信。又孟甥某日信。又幼静戊辰年九月二十日信。又开生十六日信。又魏刚己初十日信。

二十六日戊辰。晴。

写陆少浦信。即发信船。

接陆少浦某日信。

二十七日己巳。雨。

二十八日庚午。雨，大风。

考定昏礼辞，命示后人承用。写孟甥信，即发信船。吉如侄信，即发交孟甥。写长生信。即发信船。

接六姊二十日信。又长生二十五日信。又孟甥二十七日信。又槐亭十九日信。又般仲十二日信。

二十九日辛未。雨。

赵次侯招饮，不赴。

三十日壬申。雨，甚寒。

咏春柳诗四首。

三月戊辰

朔日癸酉。数雨乍晴。

与家众游步东皋。园僮锄土既熟，撤菊花、蜀葵等十馀种。池上碧桃开后，值雨色为之蔫，炳日中甫半日，鲜艳如故。

写湘乡公信。发交勒少仲马递。

接史花楼二月二十七日信。

初二日甲戌。晴。

插柳堤南缺处。写九兄信，即发信船。眉生信。附九兄。

接九兄二月二十八日信。又张芑堂二月二十七日信。

初三日乙亥。晴，大风。

候沈羲民久谭，访季君梅久谭。下午，沈羲民来答候。写孟甥信。即发信船。

初四日丙子。晴，夜大雷雨。

初五日丁丑。晴。

写槐亭信、六姊信。初六发交实儿。紫卿兄信。初六发交实儿。

初六日戊寅。雨。

午前祭告先祖，遣实儿赴杭娶妇。祭毕，馐馐后，实儿解维先至苏，请孟甥同行。写紫兄信。即发交实儿。

接阿哥二月二十八日信。接紫卿兄初四日信。又彭季陶二月某日信。

初七日己卯。阴。

下午赴沈羲民招饮，同座张某、陆叔文，初鼓散归。长生弟同李甥来自里门。

接邓伯紫二月某日信，乞聘吾幼女为季垂之子妇。又邓熙之二月十八日信。

初八日庚辰。阴。

接实儿初七日来禀。又子锡大嫂初三日信。

初九日辛巳。晴。

天日和暖，池上小鱼成队，偕家人以饭饲鱼。遂至南洲，风于柳阴之下。写李眉生信，金逸亭信，皆为李甥先寄也。即发交李甥。夜遣李甥由苏旋里。

接实儿初八日来禀。又紫兄初八日信。又金眉生二月三十日、本月初三日信。

初十日壬午。晴。

写紫兄信，即发信船。眉生信，附紫。彭季陶信。附紫。何廉昉信，十一发交张芑堂。朱子典信。十一发交张芑堂。

接曾劼刚二月二十六日信，漆师于二月二日任直督事。

十一日癸未。晨大风，午前微雨，午后晴。

写开孙信，十二发交长生。寄赠舆图十部。刚己信，十二发交开。般仲信，即发马递。张芑堂信。即发马递。

十二日甲申。晴，下午薄阴。

写邓伯紫信，许昏也。即发交长生带常交信局。

十三日乙酉。晴。

候陆叔文不晤。候赵次侯道喜。

十四日丙戌。晴。

华迪秋来候。夜月甚皎，与家人周行园圃，望月于池西南角。接实儿初九日来禀，已过平望。

十五日丁亥。晴。

十六日戊子。晴，天气皎洁，下午阴，夜雨。

实儿纳妇吉期，奠告先祖父母。写阿哥信，即发寄上海转寄。邓季雨信。即发信局。

接实儿十二日来禀，已到武林。

十七日己丑。雨。

接伯甥十六日信。

十八日庚寅。晴。

沿池植紫藤、银藤各二株。银藤洁净精微，是雪堂月苑之所宜，非凡品也。东皋筑甬路，夹植桐、柳等，入冬拟补枫数十株，使之成径。写紫兄信。即发交来舟。写伯甥信。即发信船。

接阿哥二月二十八日信。又紫兄十五日信。又伯厚大嫂初十日信。又眉生初十日信。

十九日辛卯。晴。

二十日壬辰。晴。

邑人竞渡，一岁数次，以今日为盛。天放楼北窗可眺水滨，龙舟回旋于其内，同家人聚观，游女杂沓，容肤相映，衫钗成队。